



Future-proofing our children

Sekolo sa Tshipi: SS2

Setlhogo

Keresete o bua ka go tla ga gagwe

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo **“Keresete o bua ka go tla ga gagwe”** Thuto ya ditaelo tsa tumelo.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://www.nac-sa.org.za/nac-sa-home/nac-sa-pastoral/sunday-school.html
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) • Ela tlhoko: 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsweledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45</i> . 2.3: Thuto e lebaganye (SS1, RI1 kana Tlhomamiso). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswelela ka go abalana maele a go ipaakanya le go ruta thuto e:

Kgato	Tiriso
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka
6.	Kwala dintlha tsa botlhokwa tse o batlang go di gakologelwa.
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa
8.	Ruta ngwana wa gago thuto ka go jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya sekolo sa tshipi.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng



Thuto

Setlhogo	Keresete o bua ka go tla ga gagwe
Temana	Matthew 24: 1 - 46
Maikaelelo a thuto	Bana ba ithuta gore Keresete o tla a tla gape mme re tshwanetse go bo re ipaakantse ka letsatsi leo.

Tshoboko ya thuto:

Jeso Keresete o tla a bowa – O ke one molaetsa mogolo wa mafoko a molemo.

Nako e a neng a laela, Jeso Keresete o ne a fa Ba Apostolo ba gagwe tsholofetso ya gore o tla a bowa. 'Mme fa ke tsamaya go ya go le baakanyetsa bonno, ke tla a tla gape go tla go le itseela; gore ko ke leng teng, le lona le nne teng.

“mo molaetseng o o o fang tshepho ya isago, Morena kgapetsa kgapetsa o ne a gatelela molaetsa wa go tla ga gagwe, go supa tswelelopele ya ditso tsa poloko, mme a re fa ponelopele mo ditirong tsa gagwe tsa isago.

Ga gona motho ope kana moengele, fa ese Modimo fela ka osi, yo o itseng letsatsi le motsotso wa go tla ga ga Jeso. Keresete ka nako tsotlhe o re tlhagisa go nna re letlile. Ka ditshwantso, Morwa Modimo o tlhalosa gore ka nako tsotlhe motho o tshwanetse go tsepama mo tumelong le go nna a letlile.

Ka jalo re tshwanetse go baakanya matshelo a rona go tsamaelana le thuto y aga Jeso Keresete mme re ipaakanyetse go tla ga gagwe le go tshela nae ka bosenabokhutlo.



Thuto e raya eng mo go rona tsatsi jeno?

- Jaaka re tla a bo re eme re letlile letsatsi la tsogo ya ntlha, A re ipaakanyeng – se se diragala fa re nna bakeresete b aba ikanyegang le go tshela ka dithuto tse Jeso Keresete a re di rutileng.
- Gore a re amogele mo letsatsing le ke sekgele sa tumelo ya rona mo New Apostolic. Re tla bo re le bafenyi.
- Go molemo jang go itse gore re tla bo re na le botsalano le Modimo ka bosakhutleng, e le maduo a go ikanyega ga rona mo tumelong
- Ka jalo re nne re letlile gape re rapele gore Modimo o khutshwahatse nako o romele Morwae Jeso Keresete go tla go re tseela gae.

Dipotso tse re ka di botsang:

Q: Re tsaya gore Modimo o tla romela Jeso leng go tla go re tsaya rotlhe?

A: Ga gona motho kana Moengele, ke Modimo fela ka nosi, yo o itseng letsatsi le motsotso o Jeso a tla tlang ka lone.

Q: Re ka ipaakanyetsa go tla ga ga Jeso jang?

A: Re tshwanetse go rata Modimo godimo ga tsotlhe, le moagisanye jaaka re ithata. Re tshwanetse go latlela dithuto tsa ga Keresete – jaaka di rutwa ke batsadi ba rona, baruti, le barutabana ba sekolo sa Tshipi.

Q: A o lebeletse ka tlhwaafalo go nna le botsalano le Modimo ka bosakhutleng? Ka go reng?

Thapelo ya ga Rre le Mme le pele ga thuto:

Modimo o rategang, ke lebogela letsasti le

Segofatsa batsadi le bana botlhe

Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla

Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipaakanyeditse go mo kgatlhantsha, Amen